

中國古典文學珍藏大系



宋 詞

【編 張 偉】

【貳】

● 吉林攝影出版社

中国古典文学珍藏大系

宋 词

【第二卷】

吉林摄影出版社

宋词卷中

赵佶词选

佶即徽宗，神宗第十一子。生于元五年（一〇八二）。建元建中靖国、大观、政和、重和、宣和，在位二十五年。内禅皇太子，尊帝为教主道君太上皇帝。靖康二年。为金人所俘，北去。绍兴五年（一一三五），卒于五国城，年五十四。近人曹元忠辑有宋徽宗词。

声声慢 春

宫梅粉淡，岸柳金匀，皇州乍庆春回。凤阙端门，棚山彩建蓬莱。沈沈洞天向晚，宝舆还、花满钧台。轻烟里，算谁将金莲，陆地齐开。触处笙歌鼎沸，香鞯趁，雕轮隐隐轻雷。万家帘幕，千步锦绣相挨。银蟾皓月如昼，共乘欢、争忍归来。疏钟断，听行歌、犹在禁街。

又 梅

欺寒冲暖，占早争春，江梅已破南枝。向晚阴凝，偏宜映月临池。天然莹肌秀骨，笑等闲、桃李芳菲。劳梦想，似玉人羞懒，弄粉妆迟。长记行歌声断，犹堪恨，无情塞管频吹。寄远丁宁，折赠陇首相思。前村夜来雪里，扞东君、须索饶伊。烂漫也，算百花、犹自未知。

念奴娇 御制

雅怀素态，向闲中、天与风流标格。绿锁窗前湘簟展，科日风清人寂。玉子声干，纹楸色净，星点连还直。跳丸日月，算应局上销得。全似落浦斜晖，寒鸦游鹭，乱点沙汀碛。妙算神机，须信道，国手都无勍敌。玳席欢馀，芸堂香暖，赢取专良夕。桃源归路，烂柯应笑凡客。

醉落魄 预赏景龙门追悼明节皇后

无言哽噎。看灯记得年时节。行行指月行行说。愿月常圆，休要暂时缺。今年华市灯罗列。好灯争奈人心别。人前不敢分明说。不忍抬头，羞见旧时月。

探春令

帘旌微动，峭寒天气，龙池冰泮。杏花笑吐香犹浅。又还是、春将半。清歌妙舞从头按。等芳时开宴。记去年、对著东风，曾许不负莺花愿。

聒龙谣

紫阙苕苕，绀宇邃深，望极绛河清浅。霜月流天，锁穹隆光满。水精宫、金锁龙盘，玳瑁帘、玉钩云卷。动深思，秋籁萧萧，比人世、倍清燕。瑶阶回。玉签鸣，渐秘省引水，辘轳声转。鸡人唱晓，促铜壶银箭。拂晨光、宫柳烟微，荡瑞色、御炉香散。从宸游，前后争趋，向金銮殿。

临江仙 宣和乙巳冬幸亳州途次

过水穿山前去也，吟诗约句千馀。淮波寒重雨疏疏。烟笼滩上

鹭，人买就船鱼。古寺幽房权且住，夜深宿在僧居。梦魂惊起转嗟吁。愁牵心上虑，和泪写回书。

月上海棠

孟婆且与我、做些方便。

满庭芳 并序

上元赐公师宰执观灯御筵，遵故事也。卿初获御座，以满庭芳词来上，因俯同其韵以赐。

寰宇清夷，元宵游豫，为开临御端门。暖风摇曳，香气霭轻氛。十万钩陈灿锦，钧台外、罗绮缤纷。欢声里，烛龙衔耀，黼藻太平春。灵鳌，擎彩岫，冰轮远驾，初上祥云。照万宇嬉游，一视同仁。更起维垣大第，通宵宴、调燮良臣。从兹庆，都愈赓载，千岁乐昌辰。

眼儿媚

玉京曾忆昔繁华。万里帝王家。琼林玉殿，朝喧弦管，暮列笙琶。花城人去今萧索，春梦绕胡沙。家山何处，忍听羌笛，吹彻梅花。

燕山亭

裁翦冰绡，打叠数重，冷淡燕脂匀注。新样靓妆，艳溢香融，羞杀蕊珠宫女。易得凋零，更多少、无情风雨。愁苦。闲院落凄凉，几番春暮。凭寄离恨重重，这双燕，何曾会人言语。天遥地远，万水千山，知他故宫何处。怎不思量，除梦里、有时曾去。无据。和梦也、有时不做。

失调名

卷起珠帘。看是谁家妃子，收拾金奁。

金莲绕凤楼

绛烛朱笼相随映，驰绣毂、尘清香衬。万金光射龙轩莹。绕端门、瑞雷轻振。元宵为开圣景。严敷坐、观灯锡庆。帝家华英乘春兴。攀珠帘、望尧瞻舜。

小重山

罗绮生香娇上春。金莲开陆海，艳都城。宝舆回望翠峰青。东风鼓，吹下半天星。万井贺升平。行歌花满路，月随人。龙楼一点玉灯明。萧韶远，高宴在蓬瀛。

赵鼎词选

鼎字元镇，解州闻喜人。自号得全居士。生于元丰八年（一〇八五）。徽宗崇宁五年（一一〇六）进士，累官开封市曹。金人议立张邦昌，鼎与张浚逃太学，不书议状。高宗擢右司谏，历官至尚书左仆射，同中书门下平章事。为秦桧所忌，出为奉国军节度使，徙知泉州。桧讽王次翁论之，安置潮州。詹大方希会意，诬其受贿，移吉阳军。桧意犹未已，鼎遂不食卒，时绍兴十七年（一一四七）也。孝宗时，追谥忠简，封丰国公。鼎为中兴名臣，与宗泽、李纲鼎足。所著有忠正德文集。

蝶恋花

长道县和元彦修梅词。彦修，钱塘人，名时敏。坐张天觉党，

自户部员外郎，谪监长道之白石镇。

一朵江梅春带雪。玉软云娇，姑射肌肤洁。照影凌波微步怯。暗香浮动黄昏月。漫道广平心似铁。词赋风流，不尽愁千结。望断江南音信绝。陇头行客空情切。

又 河中作

尽日东风吹绿树。向晚轻寒，数点催花雨。年少凄凉天付与。更堪春思萦离绪。临水高楼携酒处。曾倚哀弦，歌断黄金缕。楼下水流何处去。凭栏目送苍烟暮。

虞美人令 冯翊送信道舅先归桐宫

魂消目断关山路。曾送雕鞍去。而今留滞古陪京，还是一尊芳酒、送君行。吾庐好在条山曲。三径应芜没。诛茅为我补东篱。会待新春残腊、也来归。

怨春风 闰怨

宝鉴菱花莹。孤鸾慵照影。鱼书蝶梦两浮沈，恨恨恨。结尽丁香，瘦如杨柳，雨疏云冷。宿醉厌厌病。罗巾空泪粉。欲将远意托湘弦，闷闷闷。香絮悠悠，画帘悄悄，日长春困。

点绛唇 春愁

香冷金炉，梦回鸳帐余香嫩。更无人问。一枕江南恨。消瘦休文，顿觉春衫褪。清明近。杏花吹尽。薄暮东风紧。

人月圆 中秋

连环宝瑟深深愿，结尽一生愁。人间天上，佳期胜赏，今夜中秋。雅歌妍态，嫦娥见了，应羡风流。芳尊美酒，年年岁岁，

月满高楼。

河 传

以石曼卿诗为之

年年桃李。渺关河一梦，飞花空委。鸿去燕来，锦字参差难寄。敛双眉、山对起。娇波泪落妆如洗。独倚高楼，日日春风里。江水际。天色无情，似送离怀千里。

燕归梁

为人生日作

绰约彤霞降紫霄。是仙子风标。湘裙明佩响琼瑶。散馥郁、暗香飘。小春十月寒犹浅，妆粉弄梅梢。秦楼风月待吹箫。舞双鹤、醉蟠桃。

好事近

菴车还阙，分得茶词

兰烛画堂深，歌吹已终瑶席。碾破密云金缕，送蓬莱归客。看看宣诏未央宫，草诏侍宸极。拜赐一杯甘露，泛天边春色。

贺圣朝

锁试府学夜坐作

断霞收尽黄昏雨。滴梧桐疏树。帘栊不卷夜沈沈，锁一庭风露。天涯人远，心期梦悄，苦长宵难度。知他窗外促织儿，有许多言语。

乌夜啼

檐花点滴秋清。寸心惊。香断一炉沈水、一灯青。凉宵永。孤衾冷。梦难成。叶叶高梧敲恨、送残更。

浣溪沙

美人

艳艳春娇入眼波。劝人金盏缓声歌。不禁粉泪菟香罗。暮

雨朝云相见少，落花流水别离多。寸肠争奈此情何。

画堂春 春日

空笼帘影隔垂杨。梦回芳草池塘。杏花枝上蝶双双。春昼初长。
强理云鬟临照，暗弹粉泪沾裳。自怜容艳惜流光。无限思量。

浪淘沙 次韵史东美洛中作

归计信悠悠。归去谁留。梦随江水绕沙洲。沙上孤鸿犹笑我，
萍梗飘流。与世且沈浮。要便归休。一杯消尽一生愁。倘有人
来闲论事，我会摇头。

河 传 秋夜旅怀

秋光向晚，叹羁游坐见。年华将换。一纸素书，拟托南来征
雁。奈雪深、天更远。东窗皓月今宵满。浅酌芳尊，暂倩嫦娥
伴。应念夜长，旅枕孤衾不暖。便莫教、清影转。

鹧鸪天 建康上元作

客路那知岁序移。忽惊春到小桃枝。天涯海角悲凉地，记得当
年全盛时。花弄影，月流辉。水精宫殿五云飞。分明一觉华胥
梦，回首东风泪满衣。

浣溪沙 建康次韵范元长送邢子方

惜别怀归老不禁。一年春事柳阴阴。日下长安何处是，碧云
深。已恨梅花疏远信，休传桃叶怨遗音。一醉东风分首去，两
惊心

如梦令 建康作

烟雨满江风细。江上危楼独倚。歌罢楚云空，楼下依前流水。
迢递。迢递。目送孤鸿千里。

好事近 杭州作

杨柳曲江头，曾记彩舟良夕。一枕楚台残梦，似行云无迹。
青山迢递水悠悠，何处问消息。还是一年春暮，倚东风独立。

点绛唇 惜别

惜别伤离，此生此念无重数。故人何处。还送春归去。 美
酒一杯，谁解歌金缕。无情绪。淡烟疏雨。花落空庭暮。

琴调相思令 思归词

归去来。归去来。昨夜东风吹梦回。家山安在哉。 酒一
杯。复一杯。准拟愁怀待酒开。愁多肠九回。

望海潮 八月十五日钱塘观潮

双峰遥促，回波奔注，茫茫溅雨飞沙。霜凜剑戈，风生阵马，
如闻万鼓齐挝。儿戏笑夫差。漫水犀强弩，一战鱼虾。依旧群龙，
怒卷银汉下天涯。 雷驱电炽雄夸。似云垂鹏背，雪喷鲸牙。须
臾变灭，天容水色，琼田万顷无瑕。欲眼但惊嗟。试望中仿佛，三
岛烟霞。旧隐依然，几时归去泛灵槎。

花心动 偶居杭州七宝山国清寺冬夜作

江月初升，听悲风、萧瑟满山零叶。夜久酒阑，火冷灯青，奈

此愁怀千结。绿琴三叹朱弦绝，与谁唱、阳春白雪。但遐想、穷年坐对，断编遗册。西北旌枪未灭。千万乡关，梦遥吴越。慨念少年，横槊风流，醉胆海涵天阔。老来身世疏篷底，忍憔悴、看人颜色。更何似、归欤枕流漱石。

洞仙歌

空山雨过，月色浮新酿。把盏无人共心赏。漫悲吟、独自捻断霜须，还就寝、秋入孤衾渐爽。可怜窗外竹，不怕西风，一夜潇潇弄疏响。奈此九回肠，万斛清愁，人何处、邈如天样。纵陇水、秦云阻归音，便不许时闲，梦中寻访。

乌夜啼 中秋

雨余风露凄然。月流天。还是年时今夜、照关山。收别泪。持杯起。问婵娟。问我扁舟流荡、几时还。

满庭芳 九日用渊明二诗作

靡靡流光，凄凄风露，小园草木初雕。杳然尘影，爽气界天高。爱此佳名重九，随宜对、秋菊持醪。登临处，哀蝉断响，燕雁度云霄。闲谣。情缅邈，相寻万化，人世徒劳。念胸中百虑，何物能消。欲致颓龄不老，和金茎、一醉陶陶。君休问，千年事往，聊与永今朝。

好事近 雪中携酒过元长

春色遍天涯，寒谷未知消息。且共一尊芳酒，看东风飞雪。太平遗老洞霄翁，相对两华发。一任醉魂飞去，访琼瑶宫阙。

又 再和

羁流转飞蓬，投老未知休息。却念故园春事，舞残红飞雪。危楼高处望天涯，云海寄穷发，只有旧时凉月，照清伊双阙。

又 再和

一炷鼻端香，方寸浪平风息。汲取玉池春水，点红炉微雪。年来都以酒相妨，进退只毫发，却道醉乡深处，是三山神阙。

又 再和

烟雾锁青冥，直上九关一息。姑射有人相挽，莹肌肤冰雪。骑鲸却下大荒来，天风乱吹发。慨念故人非是，漫尘埃城阙。

少年游 山中送春

三月正当三十日，愁杀醉吟翁。可奈青春，太无情甚，归去匆匆。共君今夜不须睡，尊酒且从容。说与楼头，打钟人休打五更钟。

贺圣朝 辰岁生日作

花光烛影春容媚。香生和气。纷纷儿女拜翁前，劝犀尊金醴。家酿名，出真语。凌烟图画，王侯富贵，非翁雅意，愿翁早早身归，对青山沈醉。

又 道中闻子规

征鞍南去天涯路。青山无数。更堪月下子规啼，向深山深处。凄然推枕，难寻新梦，忍听伊言语。更阑人静一声声，道不归去。

醉蓬莱 庆寿

破新正春到，五叶尧蓂，弄芳初秀。翦彩然膏，灿华筵如昼。

庆图中，老莱堂上，竞祝翁遐寿。喜气欢容，光生玉笋，香霏金。谁会高情，淡然声利，一笑尘寰，万缘何有。解组归来，渔樵朋友。华发苍颜，任从老去，但此情依旧。岁岁年年，花前下，一尊芳酒。

小重山

漠漠晴霓和雨收。长波千万里，拍天流。云帆烟棹去悠悠。西里，归兴满沧洲。漫道醉忘忧。荡高怀远恨，更悲秋。一眉色为谁愁。黄昏也，独自倚危楼。

西江月 过福唐留别故人

世态浮云易变，时光飞箭难留。五年重见海东头。只有交情似。未尽别来深意，难堪老去离愁。青山迢递水悠悠。明日扁病酒。

行香子

草色芊绵。雨点阑斑。糝飞花、还是春残。天涯万里，海上三。试倚危楼，将远恨，卷帘看。举头见日，不见长安。漫凝。老泪凄然。山禽飞去，榕叶生寒。到黄昏也，独自个，尚凭。

醉桃园 送春

青春不与花为主。花正开时春暮。花下醉眠休诉。看取春归，莺愁蝶怨春知否。欲问春归何处。只有一尊芳醕。留得青住。

浪淘沙 九日会饮分得雁字

霜露日凄凉。北雁南翔。惊风吹起不成行。吊影苍波何限恨，日暮天长。为尔惜流光。还是重阳。故人何处舣危樯。寄我相思千点泪，直过潇湘。

又

玉宇洗秋晴。凉月亭亭。梦回孤枕琐窗明。何处飞来三弄笛，风露凄清。曾看玉纤横。苦爱新声。由来百虑为愁生。此夜曲中闻折柳，都是离情。

谢克家词选

克家字任伯，上蔡人。绍圣四年（一〇九七）中第。建炎四年（一一三〇）参加政事。绍兴四年（一一三四）卒。

忆君王

依依宫柳拂宫墙。楼殿无人春昼长。燕子归来依旧忙。忆君王。月破黄昏人断肠。

蒋兴祖女词选

兴祖，靖康间阳武令。金人入侵，死之。女被掳去。

减字木兰花 题雄州驿

朝云横度。辘辘车声如水去。白草黄沙。月照孤村三两家。飞鸿过也。万结愁肠无昼夜。渐近燕山。回首乡关归路难。

胡铨词选

铨了邦衡，江宁（今南京市）人。避地居庐陵。生于崇宁元年（一一〇二）。高宗建炎二年（一一二八）进士甲科。绍兴五年，除枢密院编修官。上封事底和议，被贬，和议成，十二年（一一四二），除名新州编管，十八年（一一四八），移吉阳军。秦桧必欲杀之，会桧死，得免，量移衡州。孝宗即位，擢起居郎，历官至权兵部侍郎，以资政殿学士致仕。淳熙七年（一一八〇）卒，年七十九。谥忠简。有澹庵文集。

浣溪沙

匆匆春归没计遮。百年都似散余霞。持杯聊听浣溪沙。但觉暗添双鬓雪，不知落尽一番花。东风寒似夜来些。

转调定风波 和答海南统领陈康时

自古将军自有真。引杯看剑坐生春。扰扰介鳞何足扫。谈笑。纶巾羽扇典刑新。试问天山何日定。伫听。雅歌长啸静烟尘。解道汾阳是人杰。见说。如今也有谪仙人。

菩萨蛮 辛未七夕戏答张庆符

银河牛女年年渡。相逢未款还忧去。珠斗欲阑干。盈盈一水间。玉人偷拜月。苦恨匆匆别。此意愿天怜。今宵长似年。

减字木兰花

庆符引赦自便，已脱去，至东界，又遭郡中勾回，遂有弄璋之

喜。庆符云：尝梦舅氏如梦鹵也。予尝占庆符当弄瓦，赌主人。庆符来督，故词中具之。

渭阳佳梦。瓦变成璋真妙弄。不是勾回。汤饼冤家唤得来。
不分利市。要我开尊真倒置。试问坡翁。此事如何著得依。

醉落魄 辛未九月望和答庆符

百年强半。高秋犹在天南畔。幽怀已被黄花乱。更恨银蟾，故向愁人满。
招呼诗酒颠狂伴。羽觞到手判无算。浩歌箕踞巾聊岸。酒欲醒时，兴在卢仝碗。

又 和答陈景卫望湖楼见忆

千岩竞秀。西湖好是春时候。谁知梅雪飘零久。岁白收香，空袖和羹手。
天涯万里情难逗。眉峰岂为伤春皱。片愁未信花能绣。若说相思，只恐天应瘦。

鹧鸪天 癸酉吉阳用山谷韵

梦绕松江属玉飞。秋风莼美更鲈肥。不因入海求诗句，万里投荒亦岂宜。
青箬笠，绿荷衣。斜风细雨也须归。崖州险似风波海，海里风波有定时。

又 和陈景卫忆西湖

一忆西湖太瘦生。十年不到梦曾行。空飢山色烟霏晚，淡沲湖光雾氎轻。
芳草远，暮云平。雨余空翠入帘明。梦回一饷难存济，这错都因自打成。

朝中措 黄守座上用六一先生韵

崖州何有水连空。人在浪花中。月屿一声横竹，云帆万里雄风。
多情太守，三千珠履，二肆歌钟。日下即归黄霸，海南长

想文翁。

采桑子 甲戌和陈景卫韵

山浮海上青螺远，决眦归鸿。闲倚东风。叠叠层云欲荡胸。
弄琴细写清江引，一洗愁容。木杪黄封。贤圣都堪日日中。

临江仙 和陈景卫忆梅

我与梅花真莫逆，别来长恐因循。几年不见岭头春。翩然蝴蝶梦，魂梦竟非真。
浪蕊浮花空满眼，愁眉不展长颦。此君还似不羁人。月边风畔，千里淡相亲。

如梦令

谁念新州人老。几度斜阳芳草。眼雨欲晴时，梅雨故来相恼。
休恼。休恼。今岁蕊枝能好。

玉楼春 赠李都监侍儿，是夕歌六么

十年目断鲸波阔。万里相逢歌怨咽。髻鬟春雾翠微重，眉黛秋山烟雨抹。
小槽旋滴真珠滑。断送一生花十八。醉中扶上木肠儿，酒醒梦回空对月。

清平乐 和曾检法海棠

深深花院。雨虐风饕遍。只欠画屏并羽扇。谁领略春风面。
愁须诗酒相禁。少陵底事慵吟。不是为梅牵兴，怕渠恼乱春心。
王介甫梅诗云：“少陵为尔牵诗兴，可是无心赋海棠。”故云

青玉案 乙酉重九葛守坐上作

宜霜开尽秋光老。感节物、愁多少。尘世难逢开口笑。满林风